

3 YONI

Yoni 'ina lele hetoina

Yoni 'ina leta bewa 'alona 'ihe'ote'otetela mumuga bwebwe'ana weyahina.

Loyauwedo

¹Taugu 'imi bada, leta bewa yaleyawa 'owa 'iyagu Geyo 'oiuwa. Moisa, 'ateguwega yahelauwegowa.

²Ciyagu, 'igu 'ahwanoi Yehoba 'oina wahiu 'ina miya bwebwe'ana weyahina, yasanapuya weyahina yaluyaluwau 'ina miya bwebwe'ana, eema ma'ina yaliyaya. ³Mwalo tupwadi tasidao sitauyama 'ebwa, ta 'ino mumuga dumwaluna tetelina 'oinega sigihe yaliyayaegauwa, weyahina 'eda dumwaluna 'oinega 'utautauya.

⁴Bewa 'igu 'ebe yaliyaya madouna 'eguma natugwao wasadi yahesagohe 'abehega 'eda dumwadumwaluna 'oinega sitautauya.

Cada tolemao ma 'ada 'alehao weyahidi

⁵Ciyagu, 'ino lema eema 'ino paihowa tasidao ma taumano 'oidiya, tutaina 'eguma 'ino 'asa sihapwesawa, weyahina yayaliyaya. ⁶Ma tasidaowedi 'eguma sihilama 'ino helau 'oidiya weyahina sihehepwaila tohekalesiyao 'oima. Moisa tuwa, taudi Yehoba 'ina topaihowao, 'oinega 'ilobwaineya 'eguma si'ebe'ebesinegomi nima'abiyadi wete wa'ebwaedi. ⁷Taudi Keliso 'ina paihowa weyahina sisakosakowasi, ma lema geya sida lobeya taudi geya Yehoba 'ana tohemisao 'oidiyega. ⁸Coinega 'ilobwainegita ma tauda talededi, eema taudi mahetedao tahetopaihowa mahemahetena 'eda dumwadumwaluna weyahina.

⁹Cami hemataluwa ya'etoladi pwaiyawa, 'omi tohekalesiyao, ma loheyaina sanina Diotilipi nuwanuwana ma taunamo 'ida laina, 'oinega taugu 'igu laina 'i'ausiya, ¹⁰ma 'igwae hesihesinuwegauwa, ma wete 'iyadao 'ilososomamediya, ma 'eguma tupwadi 'oimiyega nuwanuwadi ma silededi 'i'ausidi, ma tohekalesiyaowedi 'ipa'ipa'idi. Coinega 'eguma 'abwa yalatuwa beno 'ina mumugaedi yahegwaegwae weyahidi.

¹¹ Ciyagu, geya'abwa mumuga galana 'umulimuliye, ma mumuga 'ausalana hesi. Tobwebwe'anao taudi Yehoba 'ina bodao, ma topuiyao geya Yehoba sida sanapuya.

¹² Ma Dimitilo tauna loheya bwebwe'ana. Tomota mabwaiyadi 'idi hepwaita gidemusa, weyahina taudi he'ita moisa 'ana tomuliyao sihepwaita 'abehega Dimitilo loheya bwebwe'ana, ma taugu wete 'igu hepwaita gidemusa, ma 'igu hepwaita wasanapuya 'abehega gwaē moisa.

Gwae 'ana 'ebelosaloha

¹³ Nuwatuhu baibaiwadi simiyamiya ma nuwanuwagu yaleleyawa weyahidi, ¹⁴ ma tuwa, weyahina yanuwatuhu yahiya 'abehega 'abwa yatauyawa ma 'owa mahetegu tahegwaegwae.

¹⁵ Yauwedo 'owa. Ciyadao 'ebwa 'idi helau 'oiuwa. Ma 'iyadao nobwa sanidi 'aigeda 'aigeda wete 'oidiya 'igu helau 'uhepwaile.